

編號 6 號

【水板仔】李文煥原作

朋友對臺南帶來當有名个「麻豆碗板」，食个時節愛淋合好个甜辣醬，咬落去逐口都有肉末仔同鹹卵黃，食起來異有在地風味。毋過，佢心脏个最愛，還係個客家个傳統美食——水板仔。該單純又虬个口感，分佢發夢都會尋味。該係佢童年个味緒，也係家鄉个味緒，碗肚承等个毋單淨係水板仔，還係時光个影跡。

風定定仔吹過熟事个巷仔，水板仔微微个香氣，就像時光个送信人，輕輕仔搆醒牽覺个回憶。三十零年前，苗栗市个朝晨總會分一聲聲「水板仔哦！水板仔哦！」个聲喊醒。該係賣水板仔个阿姨嬌嬌个聲音，佢逐日會戴等笠嫃蒙等面帕，核等兩籮滌滌个水板仔，行過莊頭巷尾滿哪仔去賣。佢單淨賣兩種口味个水板仔，一種係鹹个白水板仔，面頂鋪等切幼幼个快菜、蘿蔔乾同豆腐乾。另外一種係甜个水板仔，該係擺赤砂糖去做个，面頂麼个就無放，毋過該甜甜个味緒，顛倒係佢盡好食个口味。

其實，水板仔毋管係鹹个抑係甜个，一旦都係佢盡好个米食。做麼个佢會對水板仔恁合意呢？可能係胎教造成个，識聽阿姆講佢大肚屎攞佢个時節，發子到當嚴重，食麼个就翻麼个，翻

到連黃膽水都殼出來。阿爸為著阿姆病子食毋落，一日一日瘦肉下去，愁慮到踩踩踏踏，毋知愛仰結煞正好。好得有一日，水板仔阿姨堵好核擔經過喊：「水板仔哦！好食个水板仔哦！」阿爸心想：「甘願過錯，毋願錯過。水板仔雖然無麼个，但係有食總比無食好。」煞煞就去買咧兩碗水板仔，堵造化看阿姆食得落無？

麼个山珍海味都食毋落个阿姆，竟然看著水板仔就口涎水落落跌，兩下半就咁到淨淨，全全無發子個現象。該日開始，阿姆就逐日等等水板仔阿姨，核來正蒸好萋萋个水板仔，一直食到擗佢降出來為止，故所頭擺佢還分人笑係「水板仔子」。

水板仔，毋單淨係一種食物，佢還係一段情感个載體。見擺佢食一口水板仔，就像係穿越時空，轉到該無愁慮个年代，轉到該阿姨个擔脣，轉到該溫情个屋下。在這個緊板个生活裡肚，水板仔係佢心靈个安慰，係佢記憶中永遠个甜。